

# QVÆSTIO MEDICA.

QVOD LIBETARIIS DISPUTATIONIBVS

MANE DISCVTIENDA, IN SCHOLIS MEDICORVM,

Die Iouis IX. Decembris,

M. FRANCISCO BOVIONIER,

DOCTORE MEDICO,

Moderatore.

*Estne certa & optima Luis Veneræ per solam  
Hydrargyrosim curatio?*

**S**YPHILIS, effrenatæ libidinis stipendium, impuræque Veneris germen, horrendus est, & ipsa peste formidabilior affectus: qui & posterioris & vetustioris continentiorisque æui homines hæcenus ita variis exercuit modis, vt non tam dicas vnum morbi genus, quàm morborum agmen: Is scilicet humanæ infirmitati debuit adijci cumulus, ne quid esset perniciosi, quod non ferret hæc malorum epitome: & cum prius miser homuncio omnibus simul morborum generibus consistari vix posset, in eum incurreret, qui omnium vires æquaret. Hinc tot illi imposita inuidiosè nomina, ferè ab ipso natalium loco petita, quem in alienum solum nulla non transfert natio, ne id monstri tulisse videatur. Sunt quidem reliqui morbi, peccati soboles, sed alieni: hic vulgò in ipsos flagitijs auctores sequit; vt alios ferat nascendi conditio, hunc petulantia: illi ægro moderationem, Medico miserationem injiciant; hic, vtrique pudorem; maiorem etiam, vbi, quod rarius, infontes affligit; sic enim indum comparatum est, vt sceleratorum poenam atque opinionem interdum sustineat innocens. Habet & hanc dira lues malitiam, vt diu antè sentiri, quàm agnoscere malit; ne (more prædabundorum militum) suo inuisa hospiti, prius eiici queat, quàm populata sit omnia.

*Edictio secunda.*

✱

**ET** SI verò ab initio leuiore mentita morbos, furtim atque silentio subeat, tunc tamen certam facit sui aduentus fidem, cum non modò maculis & imperigine, cutem inficit; sed etiam pustulis siccis, sæpe rubris, & rotundis, quæ frontem, labia, mammas, anura, pudenda occupant: caput, supercilia, mentum, suis nudantur pilis, floridus faciei color extinguitur, toto corpore sordida passim erumpunt vlcera, liuescentes oculi inuiti collacrymantur, aures tinniunt, nares male habet coryza, & ozena, foetet os, dolent dentes, exeduntur gingivæ, tumunt tonsillæ, vox raucescit, caput, sternum & medijs artus tanto diuexantur dolore, vt quasi terebello perforari, tendines & vincula distendi, rigere nerui, periostia diuelli sentiantur: atque hæc maximè noctu, fortè vt sacrorum Veneris malè tunc temporis peractorum memoria refricetur: nam sub auroram, spes vitæ cum Sole redit. His vbi tanquam *emulæ* accedunt tophi, cruciatibus, sed magis ossium carie formidabiles, habes manifestissima obfirmatæ luis indicia: maximè si statim ab impuro concubitu exijt, vel ab interiori pene turpis illuuiæ, vel in exteriori cancrorum vlcusculum, vel in inguine bubo; nam ferme his amat aduocari pararijs: & si quando per alias irrepit partes, in accubante, artuum cutis; in obstetrice, manus; os in lactente; in lactante mamma.

**FELICES** quotquot sæda momordit Venus, si aut semel mori liceret, ne tot inter tormenta quotidie morerentur; aut planè constaret de morbi indole, certisque prædijs, per quæ ipsi emergere, & sanis liceret viuere. Vt enim nulli ætati, temperamento, sexui ac regioni parcat, non omnes tamen ex æquo torquet: in quibusdam plagis morbus est endemius, & curatu facillimus, naturæ providentiâ, quæ ibi posuit remedium, vbi vernaculum fecit affectum. In cæteris alio Sole calentibus, nec Endemius est, nec Epidemius; sed omni modo præterquam halitu contagiosus, maximè cum recens est; nec nisi in humoribus, nondum in partibus sedem fixit: tantæ etiam est contumaciæ, vt hydræ instar, renascatur, quando rescissus creditur, ac vel eorècens defuncti alios nonnumquam inficiant: hebes nempe & lenta veneni vis, licet crassioris ferè humoris vehiculo sese in partes principes inferat, nec nisi temporis tractu proferat sui furoris incommoda: iis tamen vbi semel adhæsit, contaminatque sanguinis & spirituum interuentu per vniuersum corpus virus suum effudit, tam altas radices agit, vt vix postea vlla arte reuelli queat. Sed & plerumque solet effectari temerario remediorum vsu, quæstisque per longas irritæ curatio-

261  
0505

3

nis moras, viribus, secus ac cæteræ res, hoc euadit ferocior, quo plus habet ætatis.

**V**ENEREÆ luis curationem multa possunt inchoare, perficere ac complere sola valet Hydrargyrus: ab hac vna vinci se patitur superbissima scabies, quascumque alias admoueat machinas, audax & imperitum id hominum genus, cui hæc patrimonij loco cura relicta est: luditur, luditque miscellos ægros, depulso in speciem morbo beatos, sed mox à simulata fuga grauius cruciandos: Guajacum, Sinarum radix, sarsaparilla, & reliqua alio ex Orbe ad nos deportata præsidia, non magis sunt eius alexipharmacum, quam personata, cortex iuniperi, tormentilla, carduus benedictus, scordium, dictamnus, buxus, aut aqua ex Theriaca destillata, & similia; hoc tantum nomine fructuosa, quod plerisque stolidè credulis, non morbum, quo digni erant, sed morbi opinionem adimunt: seicè autem communi hidroticorum lege, sanguineam incendunt, liquatúmque effundunt è venis, in *περιτρίβειν* *μύον*, acerbissimis doloribus luem apud ignaros mentiri solita: sæpe & indurta visceribus tabe, fatum languentis præueniunt. Eò spectat & tenuis siccusque victus, cum humido, si quid prodesse vis commutandus. Suffimenta adeo nihil explere queunt, ut cerebrum pulmonémque consistendo, multos subito seu apoplexiâ, seu aliter exanimatos oppresserint. Cathartica identidem repetita iure sibi magnam vendicant laudem, non tamen præcipuam: pustulas quidem reprimunt, vulgares, non Indicas; bellè corporis vniuersi saburram, at non ipsum pariter mali fomitem eluunt; nisi fortè cum recens afflatus humoribus, nondum partes solidas attigit: cum verò altius infixæ veneni perniciës ipsi infedit visceribus, atque in imas ossium medullas descendit, brevi subinde videas semiuiua cadauera, carie consumpta, & sanie taboque fluentia mortem oppetere: nisi ocyus ad Hydrargyrum, velut ad sacram anchoram confugiatur.

**C**AVE itaque credas quemquam nisi dextro Mercurio vinctum perfanari posse, citra omnem recidiuæ metum: ut enim serpenterem ceruus, viueria lepusculum è terræ cauernulis euocat, sic hydrargyrus vel extremis illita artubus, abditum in intimis partium recessibus, luis ac spurcitiei fermentum elicit, & expurgat vniuersum: nempe eximia humiditate, & penetrandi facultate quâ pollet, lapidèsq; ac durissima quæque metalla peruadit, id primò diluit soluitque in materiam veluti aqueam; mobilem. ac fluori aptam: quam mox totam, vt singulari, ita & mirabili dote, quasi manu deducit ad faucés, in modum saluæ despuendam: vel si nihil istarum sordium in os transfert, per in-

\* ii

testina, cū ed inclināre videntur, excernit : nullo interim excellenti frigore molesta, nullo relicto, at potiū omni caloris extincto vestigio: quippe licet vi purgandi præstet, quæ ne vstione quidem perit, sed acui-  
tur, bilis tamen prouentum inhibet, calidiorum humorum impetum  
atque malignitatem obtundit, sicca viscera humectat; qua ratione her-  
petes, impetiginem, psorā, lichenas, lepram etiam inueteratam, &  
quamlibet cutis fæditatem delet : imprimis verò tantas cum fæda lue  
gerit inimicitias, vt sine vllō sudore, qui malè plerumque præmittitur,  
non modò quas habet comites pustulas & vlcera, illita abigat, verum  
etiam scirrhos, tubercula, & quos vix ferrum & ignis domare valent,  
tophos absumat. Educi certè possunt in aciem aduersus tam imma-  
nem affectum quæcumque illi obfistere putat prudens Medicus : sed  
ea conditione, vt quemadmodum præcipua victoriæ spes in triariorum  
virtute posita est; ita cū ad summa ventum, & cominus certandum  
erit, vni Hydrargyro Syphilis radicitus extirpanda committatur.

*Est ergo certa & optima Luis Venereæ per solam  
Hydrargyrosim curatio.*

### DOMINI DOCTORES DISPUTAVRI.

*M. Ioannes de Saint-yves.  
M. Petrus Regnier.  
M. Ioannes Hamon.*

|| *M. Ioannes Maurin.  
M. Iacobus Du Val,  
M. Simon Boulor.*

|| *M. Iacobus Renaud.  
M. Nicolaus Langlois.  
M. Gilbertus Paylon.*

---

Præponebat Lutetiæ ROBERTVS PATIN, Parisinus;  
Anno R. S. H. M. DC. XLIX.

---

*cette these est la 990<sup>e</sup> du tome VI du  
veuil in 8<sup>vo</sup> des theses de la faculte —*